

Fida Nyamesemka: Ayewoho 11, 2014.
(Friday sermon – 11th July 2014 – Fante Translation)

RAMADHAN NA KURAN KRƆNKRƆN NO: **AKWANKYERE NYE NKWAGYE.**

Huzoor maa Nde Fida nyamesemka no gyinaa mfaso nye mudzi mapa a Kuran KrƆnkrƆn no ye. Huzoor kenkann Kuran nyiyimu a odzi do yi hyee ne nyamesemka no ase:

“Ramadan bosoom no nye bosoom a woyii Kuran no wƆ mu, a ɔye kwankyerɛ ma adasamba, n’akwankyerɛ no mu dasedzi nye papa na bƆn mpaapaamu no. Ntsi hom mu onyia ɔwƆ fie wƆ dem bosoom yi mu no ɔnkyen kƆm wƆ mu. Naaso obiara a ɔyar no anaade ɔwƆ akwantu mu no dze ɔnkan nda no na ɔnkyen kƆm no wƆ nda fofor mu. Dza Allah pɛ ma hom nye ahoto na Ɔmmpɛ ahokyer mma hom, ɔnye de hom bowie akƆnkyen nda no, na afewi de mbre ɔbeyɛ a hom dze Allah Ne Kɛseyɛ bƆtonton No ɔnam de Ɔakyere hom kwan tsenenee no ɔnye de hom beyɛ ndaasefo” (2:186).

Huzoor kaa de: Allah, Ɔsorsornyi No ada no edzi akyerɛ hen wƆ Kuran no mu mfaso nye Kuran KrƆnkrƆn no bƆbew, hia a ohia de yedze kƆ nyee do, mbre ɔbeyɛ a yedze bƆkƆ nyee do, woana na Kuran no ye nkwegye kwan ma no, anaa nsunsuando ben na ɔwƆ wƆ nyimpa n’abrabo mu nye nsem ahorow pii a ɔkeka ho. Iyi nnkyere de yedze dem Buukuu yi a Mbransɛm ahyɛ mu ma yi bƆkƆ nyee do ma hen sunsum, nyamesom nye hen ndzeyee eetu kafo ara keke , na mbom ama hen wiadze yi mu nkankƆ nso. WƆ nyiyimu a mekenkanee no mu no, wɔdze nhyira a ɔwƆ Ramadan bosoom no mu abata Kuran KrƆnkrƆn no ho na iyi ama nkitahodzi bi abeda hƆn ntamu. Wɔdze Ramadan bosoom no rebata Kuran KrƆnkrƆn no ho no, wɔama Ramadan no mu mfaso no ada edzi yie.

Kasafua: “Ramadan bosoom no nye bosoom a woyii Kuran no wƆ mu.....” ma yetse ase de dem Mbransɛm nwoma nye Buukuu a odzi mu mapa a odzi ewiei yi fam Ramadan bosoom no ho. nyimpa a ɔreper de obenya nkankƆ wƆ gyedzi mu na ɔpe de ɔtserɛww dem Buukuu na Mbra a odzi mu na odzi ewiei wƆ wiadze yi mu ama wiadze ehu no, na ɔpe de ɔtwe noho kƆ NkƆmhyenyi KrƆnkrƆn (NNN) n’aber do ama woenya Allah Ɔsorsornyi No nkyen mbenee na ɔatse ndze a ɔye: ‘Me ben’.....(2:187), mbƆ mbɔdzen nhyɛ Ramadan nye Kuran KrƆnkrƆn n’ahyedze no nyinara ma na ɔntse nkitahodzi a hƆn ntamu n’ase. Dem akwan a nkyɛ ɔwar wƆ nda nye bosoom afofor bi mu no, abeyɛ tsia wƆ dem bosoom yi mu. Dem ntsi gyedzinyi mapa biara mbƆ mbɔdzen de obenya mfaso biara a ɔwƆ de onya no dem bosoom yi mu.

HƆn a wɔkyerekyere Kuran no mu no akyerɛw de mfasodze kese bi wƆ akƆnkyen wƆ Ramadan bosoom no mu a wɔkyere wƆ dem nyiyimu yi mu anaa mfasodze wƆ nyiyimu no fa beebi a Kuran KrƆnkrƆn no ama ho Mbra soronko. Anohoba Mɛsia (ANN) no so aka de “Ramadan bosoom no nye bosoom a woyii Kuran no wƆ mu.....” ye kasafua bi a ɔkyere hƆn Ramadan ne gyinabew. Ɔsanee kaa de ɔnam dem gyinabew yi ntsi, akƆnkygen n’akɔtua no so so na ɔkrƆn ara yie. Mbom, iyi wƆ hƆ ma hƆn a woyi hƆn asodzii wƆ nkitahodzi a ɔda akƆnkyen nye Kuran KrƆnkrƆn no ntamu na dem asodzi yiara nye de ebekan Kuran KrƆnkrƆn no wƆ ber a erekyen kƆm, ebɔdwendwen ho, ebetsie anaade ebekan ne nkyerekyeremu no. De mbre menyim na m’ahwehwe mu ehu no de binom wƆ hen mu a hƆn dodow kƆ nkan ara yie, wɔmmpɛ de wobeyi dem asodzi yi a ɔda hƆn do fa Kuran KrƆnkrƆn no ho mpo wƆ ber a

woreye akonkyen wo Ramadan bosoom no mu. Wonnkan no papa biara, kyere de wonnkan no de mbre wo de wodze ahweyie kan na womma hon enyi nda ho wo ber a worekan. Se mpo wobekan a, wakan ketsewaabi na wakan no biarabiara. Wo kwan biara do no wo de yeeye ahweyie wo iyi ho.

Nkyerese kor so a wo "Ramadan bosoom no nye bosoom a woyii Kuran no wo mu...." nye de Kuran Krnkrn ne nyii kyere no hye ase wo dem bosoom yi mu. Hadhrat Aisha (rh) kyere de afe biara wo Ramadan bosoom no mu no, Jibraeel bekaekae Nkomhyenyi Krnkrn (NNN) no wo Kuran dodow a nna woeyi akyere no na wo afe a owu too no no, onye no kenkann Kuran no mpen ebien. Dem ntsi Nkomhyenyi Krnkrn (NNN) n'abrabo a oye nwanwansa a nna onam Allah Osorsornyi no ntsi twe hen adwen gyina do de annyeye yie koraa no dze wo de obi tum kan Kuran no nyinara wie mpen kor wo Ramadan bosoom no mu na de mbre m'edzikan aka no hom mma yendwen iyi so ho. Ono nkotsee na yebotum dze Allah Osorsornyi Ne Nsem "...oye kwankyerere ma adasamba...." aye edwuma. Se yedwen ho a, yekan na yetse ase de 'oye kwankyerere' ma adasamba. 'Oye kwankyerere' ma dem nkorofu no a wohwehwe kwankyerere fi mu na ampaara de obi nkenya kwankyerere wo ber a onnkan Kuran no.

Dem ne nkenkane nye ne ntseasee hia papaapa osiande Allah Osorsornyi aka de dem kwankyerere yi dze ntseasee bi nam na nnye wommfa ammba de wonkan no keke na mbom no mu kwankyerere biara no dze ne ntseasee nam. Wo de yekan, na yetse ase na yedze ko nyee do osiande adze biara ntseasee wo mu wo ber a obi redwendwen ho no, se odze ko nyee mu a ofi n'akoma mu defedefe wo ber otse sunsum a otaa n'kwankyerere no ase. Dem ntseasee yi, osi pi ye nokwar de wodze nsenkyeredze edzi ho dase. Iyi boa ma etum dze dem kwankyerere ma aforfo binom so na ekyeremu kyere hon na onam do ma Mbra a ohye hen de yemfa Kuran Krnkrn no ndzi ako (Jihad) no yehye no ma. Dem nyiyimu yi so kyere de 'n'kwankyerere no mu dasedzi nye papa na bon mpaapaamu no'; ntseasee a oye dzen mapa wodze nsenkyeredze afam ho a opaapaa nokwar nye ator mu. Nyimpa biara a odze Kuran Krnkrn no ye edwuma no ye soronko kyen nkaafu no, ampaara de onyia biara a odze Kuran Krnkrn ne nkyerkyere no ye edwuma no ye soronko sen nkaafu no. Ne ndzeyee, ne sunsum mu gynabew nye ne gyedzi ko sor sen nkaafu no nyinara.

Se yenye aforfo binom ye mpensampensamu wo Kuran Krnkrn no ho wo ber a yerefa ne ntseasee no a, ono buukuu anaade osom biara nnyi ho a obotum nye Kuran Krnkrn no edzi esi. Osiande no mu na nkyerkyere nye dem abakosem mu nkyeremu nye ntseasee wo mu ara a ma se edze toto gyedzi nkaa no ho mpo a, hon ankasa mpo dzi ne keseye ho dase tse anapa wi. Kuran Krnkrn da no edzi de ofi n'ahyese kepem n'ewiei no nyinara fi Nyankopon Kokroko No ho na waboo no mu nsem noho ban de mbre woyii kyere no pepere; Kuran Krnkrn no bo ho dawur de woboko do abo ho ban afeboo. Allah, Osorsornyi No aka de se odu Ramadan bosoom no mu a onye akonkyen nam no a, bo mbodzen de ebolum akan na atse dem nyimdzii ahonya yi ase na ye mpensampensamu wo w'abrabo mu. Ma ne nkyerkyere no mbeye wo ndzeyee na dwendwen no mu Mbranssem no ho na fa ye edwuma wo w'abrabo mu. Ye no ntoatodo n adze biara a wo were befir wo mu biara kaekae woho, bunkam fa no mu nhyira no do wo dem bosoom yi mu na dzi wo mu mbisesi na hwe de ana mpen ahen na edze Kuran Krnkrn no mu Mbra no reye edwuma. Iyi nye dza Allah reka kyere hen osiande iyi na obesiesie hen abrabo nye hen ewiei.

Anohoba Mesia (ANN) no rekyere 'a oye kwankyerere ma adasamba, n'kwankyerere no mu dasedzi nye papa na bon mpaapaamu no' mu no, okaa de: "iyi kyere de; Ndzepa ebiasa na wo Kuran Krnkrn no mu. Dza odzi kan nye de okyere nkorofu kwan ma wonya nyimdzii wo gyedzi a nkye wayew ho. Otodo ebien, dem nyimdzii a nkye nkan no nna wonkyere mu

no, ɔma nkyeremu ara yie. Ɖɔɔdo ebiasa, ɔye susupon ma nsem bi a nna ɔye adwen mu konsee na ɔnam dem ntsi ɔpaapaa nokwar nye ator mu (Brahin-e-Ahmadiyya, Ruhani Khazain Vol.1, pp 223-227, footnote, Essence of Islam Vol.1, pp.482).

Iyi ye Buukuu mapa a odiz mu yie a wonnkotum dze atoto buukuu biara ho na ndzembra nyinara ɔada no edzi wɔ mu soronko koraa. Gyedzi a odzii kan no, no mu sinto nyinara ɔda no edzi, na ɔda kwan a wɔfa do a wobesiesie no so edzi. Ɖye Allah Ɖsorsornyi N'adom bi ara keke de Ɖama wɔawo hen wɔ dem ber yi mu na Ɖ'aboa hen ma yeagye Anohoba Mesia (ANN) no ato mu. Ɖnam dem mboa yi do aboa hen ma yeatse mfaso nye nyimdzii a ɔwɔ Kuran Krɔnkrɔn no mu no ase. Anohoba Mesia (ANN) no dze nyimdzii ahonya nye ntseasee a ɔwɔ Kuran Krɔnkrɔn no mu no kyee hen kwa. Ntseasee mapa wɔ iyi mu no wonya no wɔ ber a erekan no mbuukuu ahorow no, na ampaara de iyi benya no wɔ ber a ebekenkan no mbuukuu no bi. Mbom siesiara dze, medze Anohoba Mesia (ANN) n'akyerewsem no mu bi bɔto gua a ɔma nkyerekyeremu wɔ mfaso nye Kuran Krɔnkrɔn no bɔbew. Ɖsan so twe hen adwen gyina hen asodzii wɔ dem nsem yi ho ama yedze iynom esi hen enyi do na yeakan Kuran Krɔnkrɔn no na yeakyerɛ binom nso na yedze ako nyee do. Kyefa a me kenkanee no m'akyerɛ no fa bi mu dada. Dem aber yi medze Anohoba Mesia (ANN) n'akyerewsem no bi bɔto gua.

Ɖka de: Kasafua Khatam-un-Nabiyyin a ɔkyere Nkɔmhyenyi Krɔnkrɔn (NNN) hwewhe de Buukuu a woyii maa no no, beye mbuukuu nyinara no mu dza odzi mu mapa na ɔwɔ de ndzempa nyinara puei mu na ampaara de, demara so na ɔtse. Susupon nye de, sunsum mu ahooɔzen ne mpenpendo biara nye honamdua no mu mudzi a nyimpa bi wɔ no a Nyankopɔn N'asem no gu do no, demara so na asem n'ahooɔzen nye ne tum mpenpendo tse. De mbre Nkɔmhyenyi Krɔnkrɔn (NNN) no sunsum mu ahooɔzen nye ne honamdua mu mudzi no wɔ sor ara yie a obi ammbor no do no anaa nnkɔbor no do no, demara so na Kuran Krɔnkrɔn no no gyinabew krɔn a mbuukuu anaa akyerewsem a odzii kan no biara nntoo no. Tum nye sunsum mu ahooɔzen a nna Nkɔmhyenyi Krɔnkrɔn (NNN) no wɔ no nna ɔwɔ sor yie na mudzi nyinara so krɔɔn wɔ no mu.

Dem ntsi Kuran Krɔnkrɔn no a woyii maa no no so dzi mu na de mbre Akɔmhyefo no nyinara krɔɔn wɔ no mu no, mudzi a ɔwɔ asem no mu no so nyaa no mudzi wɔ Kuran Krɔnkrɔn no mu. Dem ntsi ɔye Khatam-un-Nabiyyin na no Buukuu no so ye Khatam-ul-Kutub. Se ehwe iyi fi akwan nyinara mu a, ebohu de nsenkyeredze a ɔwɔ asem no mu wɔ Kuran Krɔnkrɔn no mu no krɔn yie. yehu Kuran Krɔnkrɔn no mudzi na ne nsenkyeredze su no so da edzi wɔ akwan nyinara mu. Yebeka de mbre wɔyee kekaa bɔɔ mu, nsem a ɔwɔ mu no ntoatoado, ne nkyerekyerɛ nye no mudzi, na eduaba of ɔwɔ ne nkyerekyerɛ no mu. Iyi ntsi Kuran Krɔnkrɔn no nnhwewhe mpirensi biara mmfi bebiara wɔ kwan biara do no, na mbom wɔtow tefrew banyimbɔmu wɔ kwan nyinara mu repe mpirensi. Ɖmmfa ho mbre wɔbɔhwe no, iyi ye nsenkyeredze (Malfuzat Vol.III pp. 36-37, Essence of Islam Vol. I pp. 356-357).

‘Wiaɔze no nnyim hon na wɔatwe honho na wɔkrɔn sen wiaɔze yi mu ndzembra. Nyankopɔn hwe hon wɔ kwan soronko do na woesi no pi dze ama hon de Nyankopɔn wɔ ho. Woeyi akyerɛ hon de Obi wɔho a Otsie hon se wɔbɔ mpae a. Obi a ɔgye hon do se wosu fre No a na se wɔhwewhe guansumabea a Out mbirika ba hon nkyen. Ɖɔɔ a ɔwɔ dze ma hon no so kyen egya biara ne do na Ɖɔɔde nhyira gu hon do wɔ hon efie efie. Ɖnam iyi ntsi yebotum ehu hon wɔ kwan a Nyankopɔn tse, de ɔye enyiwado, nsumaa mu na Sunsum mu mboa. Ɖboa hon wɔ akwan nyinara mu osiande wɔye Nedze na Ɖno so ye hon dze. Iyi nnye nsem a onnyi nngyinado.’ (Surma Chashm Ariya, Ruhani Khazain, Vol. 2, p. 79)

Nsumaa mu asem a ɔɔɔde nkunyimdzi ba a aka nde de yedze Kur'an Krɔnkrɔn no mu nkyerekyerɛ beye edwuma; yebegye ato mu keke no nnwie peye.

Anohoba Mesia (ANN) no aka dɛ:

‘Nokwar nye dɛ kɔpem mber a Muslimfo beye ahweyie na woedzi dzaa Nyankopɔn a Ɔkrɔn No akyere hen wɔ Kur’an Krɔnkrɔn no mu a wonnkotum enya nkunyimdzi biara da. Kwantsentsen a wɔtwe hɔnho fir Kur’an Krɔnkrɔn noho no dem kwantsentsen noara na wɔtwe hɔnho fi nkunyimdzi akwan do. Yedze Kur’an Krɔnkrɔn no beye edwuma no nye kwan pɛ a obotum ama hen mpuntu na akwankyerɛ.’

Otuu ne Jama’at ne fo, na ɔka dɛ:

‘Mber nyinara ye ahweyie na menntu anamon kor biara mpo a otsia Kur’an no mu Sunsum nkyerekyere na akwankyerɛ. Meka kyere hom nokwar mu dɛ obi biara a ɔbɔtwe noho efi mbrasem aha esuon a ɔwɔ Kur’an Krɔnkrɔn no mu no, ɔnoara tow ne nkwagye abow mu. Kur’an Krɔnkrɔn no ebue nokwar nkwagye a odzi mu n’akwan ama hen na dzaa wɔaka no ye ne nsusue. Ne dem ntsi, fa ahweyie sua Kur’an no na fa ɔdo a mfa mma biribiara suo mu yie. Dɛ mbre Nyankopɔn aka akyere me no: ‘Papa nyinara wɔ Kur’an no mu’. Iyi nyinara ye nokwar, nkorɔfo a wɔdo biribi sen no no ɔwɔ dɛ wɔfer. Hom nkodo na nkwagye ne tsir gyina Kur’an Krɔnkrɔn nodo. Nyamesom mu hiadze biara nnyi hɔ a Kur’an Krɔnkrɔn no nnhye no ma. Wɔ atsembu da no Kur’an Krɔnkrɔn no na obedzi wo gyedzi ho dase anaa so onnkedzi’.

Ɔno pɛ na obotum edzi wo gyedzi ho dase anaa obetsia wo gyedzi.

‘Buukuu biara nnyi wiadze yi mu a obotum ama wo nkwagye ka Kur’an noho. Nyankopɔn aye wo adom paa dɛ Woeyi Buukuu a ɔtse dɛ Kur’an ama wo. Meka kyere wo wɔ nokwar mu dɛ sɛ Buukuu yi a wɔrekenkan akyere hom yi sɛ wɔkenkanee kyereɛ Ekristofo no a, annkye wɔnnkɔ ɔsɛ mu. Sɛ nkwagye adom yi a wɔdze ama hom yi wɔdze sesa Torah no maa Jewfo no a, nka hɔn mu ekuw ekuw no bi nnkɔka dɛ Atsembuada no nnyi hɔ. Sɛ dem na ɔtse dzaa hom ma hom enyi nsɔ adom a wɔdze ama hom no. Ɔye adom a ɔda akoma ho; ɔye ahonya a ɔso. Sɛ nka woennyi Kur’an no a nka wiadze yi beye tseɛ nam ketsekette a aye fi pɔtɔ. Kur’an no ye buukuu a ɔnye bi bɔ ebira a ɔma n’akwankyerɛ no sɛɛ. (Kashti Nuh, Ruhani Khaza’in, Vol. 19, pp. 26-27, Essence of Islam, Vol. 1 pp. 400-401)

Oreka noho mfaso no, Anohoba Mesia (ANN) no kaa dɛ:

‘Kur’an Krɔnkrɔn no ye Buukuu a ɔbaa wiadze yi mu mber a na basabasaye a no mu do atserew na gyedzi hun na ndzeyee bɔn abeye amanbre na nkorɔfo pii noara dze hɔnho ahye ndzeyee na gyedzi a ɔmmfata mu. Nyankopɔn No a Ɔkrɔn no aka iyi wɔ Kur’an Krɔnkrɔn no mu dɛ: ‘Ɔsɛ epue wɔ asaase na po do...’ (30:42) Ɔno nye dɛ, nkorɔfo nyinara, sɛ woye buukuu nkorɔfo anaa nkorɔfo fofor o, hɔn nyinara dze hɔnho hyee gyedze a ɔmfata mu na basabasaye kese na wɔdze baa wiadze yi mu. Iyi ho ntsi, Nyankopɔn dze Buukuu a odzi mu tseɛ Kur’an Krɔnkrɔn no bae dɛ ɔbeye akwankyerɛ na wɔbeyi gyedzi a ɔnnye nokwar no efi hɔ, Ɔwɔ ngyinado a odzi yi Nyamesom kuw a ɔnye nokwar no tokyen tsitsir wɔ Kyefa Al Fatihah mu, dzaa wɔkann no mpen enum dakor wɔ asɔr biara a woye mu no, iyi kyere akwankyerɛ a owie pɛye.’

Anohoba Mesia (ANN) no kaa dɛ:

‘Nkunyimdzianohoba a Otumfu Nyankopɔn abɔ wɔ Ne Sunsum mu Adom a otsia etsiafo nyinara, atamfo nyinara, nkorɔfo a wɔnngye nndzi nyinara, esikafo nyinara, etumfo kandzifo nyinara, abenfo nyinara, Nyamesom nkaa no hɔn ekyirdzifo nyinara, a Ɔdze ma dem ahobrasenyi, nyia onnyi ahoozen, hanyi, nyia onnsua hwee na onnyi nsa ano edwuma biara, na ɔhyee ma wɔ ne ber do pepɛpɛ na ɔrekodo ahye ma no, nnkotum aye nyimpa biara ne nsa ano edwuma, anaa nokwardzinyi a ɔrehwehwe nokwar no nnkonya adwen mu naa sem biara mmfa iyi ho.’ (Brahin-e-Ahmadiyya, Ruhani Khaza’in, Vol. 1 pp.266-277, footnote 11 – Essence of Islam, Vol. 1, p. 283)

Obi bisaa asembisa faa mbre onsi nkenkan Kur'an no na Anohoba Mesia (ANN) no yii ano de:

‘Owo de wokenkan Kur'an Kronkron no wo ahweyie mu na wodwendwen ho. Hadith ma yetse ase de Kur'an akenkanfo pii woho a Kur'an Kronkron no apaa hon. Nyimpa a okenkan Kur'an no na ommfa nnye edwuma no Kur'an Kronkron no paa no. Se yerekenkan Kur'an Kronkron na yehyia kyefa a ofa nhyira ho a, hen nsre nhyira mfi Otumfu Nyankopon ho na se oye nkorofu bi hon mponse ho asem a, owo de yehwehwe guansumabea wo Otumfu Nyankopon Ne nkyen fi Ne mponse noho. Owo de wakan Kur'an no wo ahweyie kese mu na wodze ko nyee do so.’ (Malfuzat, Vol. 5, p. 157)

Anohoba Mesia (ANN) no akyerε kwan a yebesi ahyε Kur'an Kronkron no n'akenkan no ma:

‘Nkorofu kan Kur'an Kronkron no tsede ekoo a wontse ase, tsede komfo bi a orekom, ono a onntse ase dem ara so na nkorofu a woretse no so nntsi ase. Dem ara so na wama Kur'an akenkan no do atsew ma ekogyina nkyekyemu bi do a wokann no kwa a wontse dzaa wakan no ase. Wo ne yie mu no wokenkan no wo ndze dedew mu na n'akyerewmba (ain) na (qaf) no wobu no yie. Oye de ebekan Kur'an Kronkron no wo kwanpa do na ndze a oye daw mu.’

Hadith so ka kyere hen de owo de yekenkan no yie.

‘Mbre otse biara no, nokwar botaa a otaa Kur'an Kronkron n'ekyir nye de yebohu no mu nokwar na nyimdzii ama nyimpa etum dze nsesa aba ne mu! Kae de Kur'an no wo nyimdzii a oye nwanwa wo mu. Owo nhyehyee bi wo mu a wonnbu no adze so. Kopem mber a yedze Kur'an Kronkron ne nhyehyee no na n'akwan no besi hen enyi do no na yeadwendwen ho no, botaa a ogyina n'akenkan do no nnkowie peye.’

Anohoba Mesia (ANN) no kaa de Nyankopon N'enum nsem n'akenkan no dze Sunsum mu do ba:

‘Nyamesom ne ntsen wo Kur'an Kronkron no n'akenkan mu osiande se yekan anaa yetsie Dofu no ne nsem a, otsintsim do wo nokwar dofo no mu na oma do no ko sor.’ (Surma Chashm Ariya, Ruhani Khaza'in, Vol. 2, p. 283)

Anohoba Mesia (ANN) no kaa de Kur'an Kronkron no wo akoma ebufuw ho ayarsa: ‘Nyimpa wo de okan Kur'an Kronkron no mpen pii na mber a oreakan no se ohyia mpaabo bi a, ono so mbo dem mpaa no na onhwehwe dzaa owo mpaabo no mu noara mfi Nyankopon ho. Se ohyia mponse a, onhwehwe guansumabea mfi ho na ontwe noho mfi ndzeyee bon a nkorofu no yee a onam do ma wosee noho. Se ebufuw wo akoma no mu a, kwan a ebantum ama woadwedwe nye de ebokodo akan Kur'an Kronkron no. Beebiara a obekan mpaabo no, gyedzinyi biara so pede ne nsa ka dem nhyira yi bi. Yebantum dze Kur'an Kronkron no atoto trow bi ho. Nyimpa tsew nhyiren fi beebi na oko n'enyim a osan tsew nhyiren fofor so, dem ara so na gyedzinyi wo de ohwehwe mfaso wo gyinabew a owo mu no.’

Anohoba Mesia (ANN) no kaa de hia biara nnyi ho de wobeyi buukuu fofor biara bio mu wo Kur'an Kronkron a oye Buukuu a odzi mu na owie peye n'ekyir:

‘Woyii Kur'an Kronkron no wo mber a na hiadze nyinara ada edzi na subanpa na mbuukuu na nsem nye nyimpa su asee, na ndzamba mbordo na ndzeyee bon akodur ne mpenpendo a okron paa. Ne dem ntsi, ntsease wo Kur'an Kronkron ne nkyerekyere no mu. Iyi ntsi na mbrasem a owo Kur'an no mu no wie peye na otwa tow no, na mbrasem a woyii ansaana woriyi Kur'an no nnwie peye, osiande na bon a dem mbuukuu yi ribeyi no nnkodurr gyinabew a okron paa, naaso mber a woyii Kur'an Kronkron no na ekodur dem mpenpendo no. Sesiara no nsonsonnee a owo Kur'an Kronkron na Mbuukuu nkaa a woyii mae no nta mu no nye de se mpo Mbuukuu nkaa no woboo ho ban wo kwan biara do a, onam de hon

nkyerekyere no nnwie peye no ntsi, nkyerekyere a owie peye, onno nye de, hia ba de woyi Kur'an Kronkron no; naaso buukuu biara nnyi ho a noho hia wo Kur'an Kronkron n'ekyir osiande biribiara nnyi dzaa owie peye n'ekyir.

Se yedwen de Kur'an Kronkron ne nokwar nkyerekyere no besee tsede Vedas na Bible na dzaa otsetse dem no na se wodze biribi bototo Otumfu Nyankopon Noho, na Nyankopon Ne kor ye ho nkyerekyere no so wobobu do na wosase no, na Muslimfo mpempem a woetsintsim wo Nyankopon No korye mu no dze biribi bebata Nyankopon Noho na wasom abodze fofor bi a, onno dze naowo de woyi mbra fofor na na Somafo fofor so ba, naaso dem nsusue yi nyinara nndzi mu. De wobotwe honho na wosase Kur'an Kronkron ne nkyerekyere no nnye adze a obotum esi ma aye yie...' (Brahin-e-Ahmadiyya, Ruhani Khaza'in, Vol.1, pp. 101-102, footnote 9-Essence of Islam, Vol. 1, p. 478)

Anohoba Mesia (ANN) kaa de:

'Kae de, Kur'an Kronkron no ye nokwar nhyira nyinara ne tsir na oye nokwar akwanya dze ma nkwaye. Nkorofa a wommfa Kur'an Kronkron no nnko nyeedo no nnyi obiara a wobobo no sombo gyede hon ara honho. Wo nkorofa a wommfa nnye edwuma no, hon mu dom kuw bi nye nkorofa a wonngye nndzi na wommfa enyidze mma no de oye Otumfu Nyankopon Ne nsem. Dem nkorofa yi hon kwan war na wowo ekyirkyir. Mbre otse biara no, oye nwanwa na asefem de nkorofa a wogye dzi de oye Nyankopon N'asem na oye nkwaye ayarsa mmfa nnko nyeedo. Iyinom hon mu pii nnkae wo hon nkwa nda nyinara mu mpo. Nkorofa a wotse dem a wonnye ahweyie wo Nyankopon N'asem ho no hon mfatoho tsede nyimpa a esutsen a n'enyi dah, oye dew na ne mu nsu ye nwin a no mu nsu no tum sa yarba ahorw naowo dem nyimdzii yi a osi pi naaso, wo ne nyimdzii n'ekyir no nyinara na ne nsukom na yarba ahorow a orehaw no nyinara ekyir no onnko ho nnko nom. Eben nyimpa na ne tsir annye yie na onnyim hwee nye yi! Nkaowo de odze n'ano bo nsu no mu na onom nsu no mee na onya enyigye fi ne mu dew na ayarsa no mu. Mbre otse biara no,owo nyimdzii yi nyinara ekyir no, onno na esutsen no hon nta mu kwan war tsede obi a onnyi dem nyimdzii no na onno so twe noho fi ho kopem de obowu. Nyimpa yi ne gyinabew no ye afutusem. Muslimfo hon gyinabew wo nda dua yi mu tse dem ara, wonyim de Kur'an Kronkron no ye nkodo na nkunyimdzi nyinara hon saafee aowo de wodzi do, naaso, daabi! hon nndwen iyi ho koraa. Nyimpa a oko ho a oye ahwoyie na odze adwenpa na onnye ehumbobor ho ntsi pe naaso onam Otumfu Nyankopon Ne mbrasem no woto ne dzin fre no torfo na Dajjal. Nkorofa wotse dem yi hon gyinabew beye mbobor den bio mu!

Na nkaowo de Muslimfo no nya, na noho hia sesiara so de wobonya, adwen de dem esutsen a otse dem yi no ye nhyira nwanwado na wodze enyidzi ma no. De wodze enyidzi bema no nye de wodze beye edwuma na wahwe kwan a Otumfu Nyankopon benyi hon haw efir ho. Se nka Muslimfo no betse ase na woadwen de Kronkron Hen Nyankopon no abo ahotsew kwan ama hon a obegye hon se wodze ye edwuma a.' (Malfuzat, Vol. 4, pp. 140-141)

Anohoba Mesia (ANN) kaa de:

'Oye nokwar de Muslimfo no eyi Kur'an Kronkron no tokyen naaso Kur'an Kronkron ne nhyira na nsunsuando no tse ase aber nyinara na oye fofor. Wasoma me wo dem mber yi do de iyi ne ngyinado na Kronkron Hen Nyankopon no soma Ne nkorofa ma woboboa iyi osiande Wahye bo de: 'Osipi de, Hen ara na Yeesan Afutusem yi aba famu, na osipi de, Yen ara na Yebobo ho ban.' (15:10) Bohye de Nyankopon bobo Kur'an noho ban no woannhye ama Torah anaa buukuu biara, onno ntsi nyimpa tumee dze nsesa baa dem mbuukuu yi mu. Iyi ye kwan a wodze bo Kur'an Kronkron noho ban a okyere ne nsunsuando a yehu no sesiara.

Fitsi mber a Jewfo no yii Torah no tokyen no, wonnyi ahoozen anaa nsunsuando biara wo ho a oma okyere de fam ara na woreko.'

Anohoba Mesia (ANN) dze ehumbobor tu fo de:

'Mma hom nngyaa Kur'an Kronkron no tsede adze bi a woeyi no tokyen osiande no mu na hom nkwa wo. Nkorofa a wobehye Kur'an Kronkron no enyimnyam no wobehye hon enyimnyam wo Sor aheman no mu na nkorofa a wodze enyidze bema Kur'an Kronkron no asen Hadith na buukuu biara no wobema hon enyidze wo Sor aheman no mu. Buukuu fofor biara nnyi asaase yi do ma nyimpa gyede Kur'an Kronkron no na nyimpa nyinara no Nkomhyenyi fofor biara na ntamu gyinafo biara nnyi ho ka Nkomhyenyi Kronkron (NNN) ho.' (Kashti Nuh, Ruhani Khaza'in, Vol. 19, p. 13)

Maakenkan dem nyiyimo de mbre mebotwe hom adwen egyina Kur'an Kronkron no na n'akenkan ho hia a ohia do ama hen mu nyimpa biara aben no na yeenya mfaso efi dem egudze yi ho wo Ramadhan bosom yi mu. Tsede ma woka no ahyease no, kan na dwendwen ho na kyefa a wo wir efi no, nkorofa binom hon wir efi kyefa a woetwuw egu hon tsir mu, hom nsido nkan na hom ntwuw no bio mu. Bo mbodzen na fa mbrasem a woadwen nnkor do no ko nyeedo. Ketseankye Kronkron Hen Nyankopon No beye hen adom ma yeetum aye!

Se ye ye medzi enyim ma yeaye funsie asor ebien, hon mu kor wo ha, hen Kaleem Wasseem Sahib a na oye edwuma ma MTA, ofii mu Ayewoho bosom ne da otodo esia onam akoma yarba a na woedzi mfe eduonum anan. Inna Lillahi wa inna ilaihi raji'oon. Na ne nana banyin wo n'egya afa mu nye Hazrat Haji Muhammad Din Sahib a ofi Dervish wo Qadian na ne nana banyin wo ne na afa mu nye Syed Sadiq Ali Sahib a ofi Saharanpur na n'asew nye Mubarak Saqi Sahib a oye Sofu wo ha na oye Wakilul Tabsheer.

Kaleem Sahib ye obi a na odzi akotsen wo Jama'at yi mu fitsi ne mbofra ase. Mber a na owo Karachi no na oye mpatamu ho kuw ban a wo Abu Dhabi no na oka amila fo ho, na osomm de Jama'at yi ne Naib Sadr. Otuu kwan kor UK wo 1989 na osomee de Lodom mantem Majlis hon Qaid. Osanso some wo sikasem mu na Khidmat e Khalq asoe na osomee wo Jalsa mber mu so. Mber a MTA bobo adze wo afe 1997 no na oka edwumayefo a wodzikan no ho na oye edwuma wo fa a wobo ndzamba noho ban na osomee wo asoe afofor so mu. Na ono na ohwe kasa mu nkyerease do na osomee MTA dze kor wu mu. Na osan so ka MTA fo wo wokan nkaabo a wodzikan noho. Na owo odo ma Khilafat na odze nokwardzi yee edwuma na owo tsema dze ma n'edwumayefo na odze bu so ma hon.

Ne na a woaye panyin tse nkwa mu, ogyaa ekyir ne yer, Sara Waseem Sahib, mba mbanyin ebien na obaa kor. Ne na se na owo enyidze na bu dze ma n'awofo na n'enyi so ko honho na osom hon yie, na n'enyi so ko ne nuanom so honho. Ne yer aka de na ne kun wo nokwar sunsum de obosom n amber nyinara no na woaye krado de obosom Otumfu Nyankopon Ne som. Dwumadzi biara a Khilafat dze hye ne nsa biara no obo noho mbodzen de odze enyigye na ahokeka ye. Na owo gyedzi a odzi mu de Kronkron Hen Nyankopon no na Oma obiara ndzinoa na ohyee nkorofa dzen de womfa hon gyedzi nhye Nyankopon No mu wo ber a woreye biribi anaa hon mbo mpaa nkyere No. Ahohosom ye n'abodzin a okron na se owo fie a n'ahohosom no ko sor yie, nokwar nye de na onara fre nkorofa ba ne fie. Ne nua baa akyere de na onnyi ndaadaa suban wo no mu na ne su kor ono ohue nye de na otaa kan Anohoba Mesia (ANN) ne mbuukuu mpen pii.

N'edwumayefo kor, Asim Shehzad akyerew de onye Kaleem Sahib yee edwuma mfe dubiako wo MTA na ohunn de oye nokwarfo na woetu noho wo nokwar mu ama Khilafat. Wo ne tum mu de edwuma mu panyin no wamma edwumayefo mbofra no ennya atsenka de oye panyin na onye ho dzii wo abotar na odo mu ber a oretsetse hon wo edwuma no mu no. Mber bi ohunn de Kaleem Sahib repera MTA asoe a owo Baitul Futuh na obisaa no de

ebenadze ntsi na ɔnoara repepa ho, na ɔwo de ɔko pe obi ma ɔye. Oyii no ano de mber a wobue asɔe no, afutusem kor a medze maa edwumayefo no, afutusem Khalifa a ɔtse egua do dze maa no, fa nsiesie ho n amber a miritu hon fo no na merehwe no, ne dem ntsi no ɔtsee ase de asem a ɔtse dem no odzikan ko dze ma ɔnoara ne dem ntsi na ɔnoara repepa ho no.

Mber bi na ɔrehwe MTA sen nketsenketse a ɔfa nyiyim a ofi Anohoba Mesia (ANN) n'akyerew mu nye Khulafa hon akyerew mu a ɔkyere de MTA ye dwumakuw bi a oridzi akotsen yie de ɔrebo Anohoba Mesia (ANN) no ne botaa ho dawur. Mber a ɔrehwe dem sen nketsenketse yi no ɔhyee ase de orisu a onntum nnye noho hwee na ɔkaa de kwan ben do Kaleem ne tsir aye yie de Kronkron Hen Nyankopon No aye no adom de ɔye edwuma wo MTA.

Mber bi ne mber dur de ɔko kogye n'ahom naaso Ata Ul Mujeeb Rasheed Sahib kaa kyere no de onnkotum ako ahomgyee mu dem mber no osiande edwuma pii woho a ɔwo de woye. Oho noara na ɔfa ne kraataa na ɔtsetseww mu. Ata Ul Mujeeb Rasheed Sahib so akyerew abre me de ɔdze enyigye tsetsew kraataa no mu na ommfir ebufuw. Imam Sahib akyerew bio mu de Nyankopon N'adom onya akwanya dze ɔdo na nokwardzi some na mber nyinara no ɔdze enyidze maa Jama'at edwuma senn ɔnoara ne pe. Na ɔye bemfo wo n'edwuma nomu na ɔdze nepe na ɔdze yee edwuma no.

Khalid Sahib so akyerew de wo Ravil Sahib ne mber do no, nyia na ɔba mber a onnyi de ɔba no, wodze too Kaleem Sahib n'enim, mber nyinar no ɔkaa de ɔmmfa ho, mber biara a Ravil Sahib benya ho de ɔbeba no ɔmbra, se ɔye enwimber anaa anapa. Dza na ɔpe ara nye de ɔbo no nkaa ntsem ansaana waba de mbre ɔbeye a ɔbeye ahoboaboa ama no. Na woye krado de ɔbosom mber nyinara.

Mara so maahye no nsew de mber biara a ɔnye ne mba beba mulaqat no, ɔma ne mba no tsena santsen a odzikan no do na ɔnoara kotsena ekyir. Beka no de ɔpe de ne mba no nye me kasa mber a biribiara ngyina ntamu na nkitsahodzi a ɔnye me wo no ne mba no so benya no dem ara. Ketseankye Nyankopon behye nepe ma na wama ne mba no ako do nye Khilafat enya nkitsahodzi. Ena na egya no nyinara abo mbodzen atsetse hon mba no wo kwanpa do, Nyame N'adom ntsi. Ketseankye Nyankopon bobo ne mba no honho ban na wama honho anye mfaso ama Jama'at yin a wanye hon Boafu na ketseankye ɔbema ne yer na ne na abotar na pintsinn gyina.

Funsie som kor no ye Al Haaj Asim Zaki Bashir ud Din Sahib a ofi USA ne dze a yebeye ama fun a onnyi ha; funsie som a odzikan no fun no wo ha. Owui wo Oberedzi bosom ne da otsia eduonu ebien wo afe yi mu wo ber a na ɔyar kokram yarba mfe kakra a woannkyere awerehow nsenkyeredze biara. ɔdze akokodur na abotar koe tsia ne yarba no. Wowo no too Kristofo ebusua mu wo Esusuow Akatseaba ne da a ɔtodo eduonu esia wo afe 1929 na wotwe no kor Nyamesom ho wo ne mbofra ber mu. Obohu Ahmadiyya ɔnam ɔnoara n'adzesua na ne pe do nye ɔkronkron Hen Nyankopon N'adom do wo ber a na woedzi mfe duakron anaa eduonu. Na ɔwo gyedzi a osipi de Otumfu Nyankopon woho na ɔsan so wo gyedzi a no mu yedzen. Na ɔye obi a ɔwo abotar na ɔye ndaasefo; na mfonyin a ɔkyere gyedzinyi mapa. Onyaa enyimnyam hyiaa Hazrat Khalifatul Masih a otsia ebiasa (NN). Asim Sahib kaa de ne mulaqat a odzikan a ɔnye Hazrat Khalifatul Masih a otsia ebiasa nyaa no onyaa atsenka a ɔtse de mbre kandzea etwa noho nyinara ehyia; ɔse otum hu dem mfonyin no wo n'enyi do.

Onyaa akwanya som USA man no hon amila na ɔsan so yee ne mpatamu Sadr na ɔsan so ye Tabligh kyerewkyerewfo na ɔsomee de Ansarullah fo hon Zaim so. Na ɔye edwuma wo esuhyen gyinabea a ɔwo Seattle wo USA a ɔnam do ntsi beyee abosom ebien anaa ebiasa mpo no na ɔnnye adze a waba fie. Na n'edwuma no wotua ne kaw yie naaso se Jalsa nda ba

na ɔwɔ edwuma mu a ogyaa edwuma no na ɔkɔ Jalsa. Mber nyinara no na ɔdze noho hye Jalsa dwumadzi nyinara mu. Mber bi na ɔroko akɔye Jama'at edwuma bi ntsi ɔdze ne hen no kɔrr mbirika ma ɔbor dzaa ɔwɔ de ɔkɔ nodo ne siantsir apolisifo kyer no, dem mber no na ɔhye kyew ntsi polisinyi no bisaa no de anaa ɔreko Ekristofo hon asɔr anaa? na ɔrepe akyere de Nkramofo hon asɔr anaa osiande na ɔhye nkramofo hon kyew na oyii no ano de nyew. Polisinyi a ohyiaa no no na ɔye nyimpa papa ntsi ɔkaa kyerɛ no de obotum akɔ na mbom sika asotwe a nka ɔwɔ de otua no ɔmfa mbo afar ma asɔr no. Mber a odur asɔrdan no mu ara na wɔ nokwardzi mu no otuaa dolas eduowotwe enum (85\$), asotwe sika no de chanda. Mber a wosii Seattle asɔrdan no ɔno nye nyimpa a ɔboɔ afar pii paa. Na ɔye afe 1970 na wokaa de ne sika a otuaa no botum atɔ hen wɔ dem mber no. Na n'enyiwa gye Tabligh ho paa na n amber nyinara no na ɔwɔ pon a wɔhyehye, mbuukuu kakra na nkraataa wɔ hen mu. Beebiara a ɔboɔ no ɔhyehye ne pon na ɔye Tabligh na ɔkyekye mbuukuu so. ɔmaa wɔdze Jama'at mbuukuu a woetsintsim na nkraataa kɔr Seattle adzesua bea (library). Na ɔdwen Jama'at ne mpuntu ho kɔpem mber a owui. Na ɔwɔ dɔ kese dze ma Jama'at no na Khilafat n amber nyinara no otuu amamfo fo de hon nsom Jama'at no. Ogyaa ne yer na mba anan wɔ ekyir. Ketseankye ɔkrɔnkrɔn Hen Nyankopɔn no bepegya ne gyinabew na wɔama ne mba no kwan ma woetsintsim wɔ ahotsew mu.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(Second Year Student, Jamiatul Mubashireen, Ghana)
4. Hafiz Naseem Ahmad Nyame Sahib
(Composer, First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us